



Broj : 02-49-2141/17
Jajce, 17.04.2017. godine

Na osnovu člana 15. Zakona o principima lokalne samouprave F BiH (Sl. novine FBiH broj 49/06), člana 39. Statuta općine Jajce (Sl. novine općine Jajce broj 3/08), člana 2. Odluke o kriterijima, za dodjelu sredstava iz budžeta/proračuna Općine Jajce, s pozicije 614300 – grant neprofitnim organizacijama – udruženjima/udrugama građana (Sl. novine Općine Jajce, br.4/08), te člana 43. Odluke o izvršenju budžeta/proračuna Općine Jajce za 2017. godinu, broj: 02-14-1954/17 od 07.04.2017. godine, (Sl. novine općine Jajce broj 01/17), Načelnik Općine Jajce raspisuje

JAVNI POZIV

Za prijavu projekata namijenjenih za mlade koji su planirani za finansiranje/sufinansiranje iz budžeta/proračuna Općine Jajce za 2017. godinu

I. PREDMET POZIVA

Pozivaju se udruženja/udruge koji djeluju u interesu mladih za prijavu projekata koji su planirani za finansiranje/sufinansiranje iz budžeta/proračuna Općine Jajce za 2017. godinu, grant za mlade.

Odobreni projekti finansirat će se u dvije tranše i to:
Prva tranša po donesenoj listi odabranih projekata.

Druga tranša po završetku projekta, a isplata će pratiti izvršenje prihoda u budžetu Općine Jajce za 2017. godinu u odnosu na odobrena sredstva za projekat.

II. UVJETI ZA SUDJELOVANJE NA JAVNOM POZIVU

Pravo sudjelovanja na Javnom pozivu ostvaruju zainteresovana udruženja/udruge čija je osnovna misija promocija omladinskog aktivizma i koje u svojoj organizacionoj strukturi imaju pretežno populaciju mladih, a registrovane su za obavljanje svojih djelatnosti iz svog djelokruga rada na području općine Jajce.

III. PROJEKTNE IDEJE

Projekat se treba odnositi na:

- mehanizme za ostvarivanje omladinske politike,
- vanškolsko obrazovanje,
- zaštitu i očuvanje zdravlja i životne sredine,
- kreativno izražavanje mladih kroz medije, kulturu, umjetnost i sport,
- aktivnosti i programe koji se tiču razvoja sposobnosti, vještina, znanja i društvenog angažmana,

- programe koji se odnose na dobrobit lokalne zajednice, socijalno djelovanje i zdravstvenu zaštitu, te savjetovanje,
- omladinsko istraživanje i edukaciju mladih (borba protiv poroka, prevencije od raznih bolesti, sprječavanje neprihvatljivih oblika ponašanja),
- zaštitu i promociju ljudskih prava i sloboda i doprinos razumijevanju i toleranciji među različitim grupama.

IV. KRITERIJI ZA RASPODJELU SREDSTAVA

Kriteriji za raspodjelu sredstava su:

- da aplikant ima kvalifikovano članstvo za realizaciju projekta
- da projekat ima jasnu definiciju ciljane grupe (kome je namijenjen)
- očekivane rezultate (efekti na ciljanu grupu)
- da sadrži jasnu raspodjelu odgovornosti - odgovorna osoba, saradnici, volonteri.

V SADRŽAJ POTREBNE DOKUMENTACIJE

- popunjen obazac za aplikaciju,
- projekat kojim se aplicira treba sadržavati jasnu definiciju ciljane grupe i očekivane rezultate, finansijski plan projekta s prihodima i rashodima,
- kratak opis aplikanta, s podacima o prethodno realizovanim projektima i kvalifikaciji kadra u implementaciji projekta,
- rješenje o registraciji (ovjerena kopija),
- dokaz o identifikacionom broju,
- dokaz o transakcijskom računu.

VI. NAČIN I ROK PODNOŠENJA PRIJAVA

Prijave sa potrebnim dokumentima dostavljaju se u roku od 21 dan od dana objave javnog poziva. Prijavni i budžetski obrasci mogu se preuzeti na web stranici (www.opcina-jajce.ba) i na protokolu Općine Jajce.

Prijave dostaviti u zatvorenoj koverti sa naznakom: „**Prijava na Javni poziv za finansiranje/sufinansiranje projekata namijenjenih za mlade iz budžeta/proračuna Općine Jajce za 2017. godinu**“.

Prijave se dostavljaju na adresu Općine Jajce, ulica Nikole Šopa bb 70101 Jajce ili putem pisarnice Općine Jajce – Komisija za raspodjelu sredstava sa pozicije Grant za mlade. Prijave uz koje ne bude dostavljena potrebna dokumentacija i koje nisu dostavljene u roku, te prijave aplikanta koji u prethodnom periodu nisu pravdali namjenski utrošak dodijeljenih sredstava, neće biti razmatrane.

VII. OSTALE ODREDBE

Aplikant može aplicirati na ukupan iznos cijene projekta ili dio nedostajućih sredstava, što je dužan navesti u prijavi.

Ocjenu aplikacije i konačan odabir, uz prethodnu saglasnost Općinskog načelnika, će provesti Komisija u skladu s kriterijima utvrđenim u Odluci o kriterijima za dodjelu sredstava iz budžeta/proračuna Općine Jajce s pozicije 614300 grant neprofitnim organizacijama.

OPĆINSKI NAČELNIK
Edin Hozan